

Zeitschrift: Le nouveau conteur vaudois et romand
Band: 82 (1955)
Heft: 6

Rubrik: La page fribourgeoise
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.11.2024

ETH-Bibliothek Zürich, E-Periodica, <https://www.e-periodica.ch>

La page fribourgeoise

Kan lè dzounou van é filyè

Tré dzounou chè rincontron din on kabarè è dèchidon dè fére on yass in atindin ke la chomelyère ôchè, po tza-kon, prèparo ouna botoye dè vin. L'avant l'intenchion d'alô pachô la veylia yô lé a dé filyè. Kemin y fan din chi payi.

Dzin dè vèr no ! vo konyidè lo yass, lè on diu intèrèchin è nouthrè trè j'èmi l'é yen betô mé dè tin tiè prèhiu. Irè tan ko dzi j'arè kan y chon chayiè dè la pinta...

— Ora choche lè bin tô ! yô van no ? ke di yion dè lâ.

— O Rèvê ? ke fô on ôtro.

— Na, pachô dzi j'arè y n'âron po !

— A Prôlon ?

— Pô nyi, Rose kortijè a dè bon !

— A La Fin Dèrè ? Epravin...

Ma in pachin dèvan ouna méjon, l'en yu ouna bête dè hlyarto a la fenithra dè Louise ; ouna dzouna filye on bocon pyie vilje tiè lâ.

Chon pére pachovè po ithre on bokenè avôrou. Nouthrè trè luron van to bounamin dèjo lè fenithrè, inchepekton lè liu, vèyilon lè lanè po crotchy, la fenithra tiè tzanpoye. On dè lâ, édzi dé j'ôtro chè yioupè chu la fenithra ârè lo volè, tzanpè la créjia è châtè din lo pèyio. Bin chur, lè ôtro n'in fan atan. Louise vinyè djuchetamin dè chè kutchi. Iran dedin ! tiè puyèthe fère ?

— Fédè po dè chète è rêchetodè po grantin ! Ke l'au fô Louise.

Guchete ch'achitè dèchu le bor do yi, Louis dèchu on échekabi è Jalon dèchu lo bor dè la fenithra.

Bèvechan lo vin a rinda la botoyie.

Apri ouna vouerba chi k'irè chu lo fenèthri chè lèvê fô lo toa dè la tzanbra vouètè lè j'èmodzè è lè foto a la parê. Din on kôro ouna machina a kâdre avoué kotiè j'âlyon, è per dèchu to chin lou korsè dè Louise, on korsè to nâ.

Prê d'on idé diabolik Julon ch'aprou-tzè dè chi l'indrè, inroulè lou korsè è lo dzubiè dèjo cha blouse, è rèva ch'achète chu lo fenèthri.

Nyon ch'in irè apèchu.

Ouna vouèrbète apri y di ke lè tao è ke fô léchi Louise dremi trantchila. Bon ! Ti trè rèprinnion lo mimo tzemin è châton pè la fenithra.

I arouvon dèjo lo rèverbère dè la kemouna y mothrè cha travail é j'ôtro.

— T'y fou ! fô l'on, va chin rindre !

— Rin do to, no van rire, ke fô Louis.

— Tiè vo thou n'in fére ? dèmandè Guchte.

— Ché po !...

E in dèvejin y dèchindon la tzèrère do velodzo to bounamin.

To don kou, Julon gugè on ôbro din on kurti, prî dè la chè, ke l'avè la grochya dè la tayie dè Louise. Chetou moujo chetou fê. I châtè dèchu la chè è croutzè lou korsè autoo dè l'ôbro.

Ihran ti trè a rire è a fère dè la chète dèvan chi korsè kan, dziuchetamin lè j'omo choyion d'ô kabarè. Po fourni ihran bin dzi a fére do boukan. Lè dzin chè lèvovan po vouètchi fro. Louise l'achebin oyu rèkafo lè j'omo, va gugo a la fenithra, vè chi korsè a l'ôbro, chè rèvirè po vouèthyi lou chio è vè ke lè lèvi. Adon y conprin. Dè vergonye l'apyôro tota la né, ma chu lo matin, on idé lé vin. L'avè adzeto a Bulo in katzon è l'a nèvouô ke chi korsè irè lou chyio.

J. Villard.